

uationem quiescere aut sudare possit. Hac de
quarto commemorata sint satis.

C A P . V .

Q V A E O B S E R V A R I
A P A T I E N T I B V S
conveniat in viu ipso.

QUOD igitur patientes se præpara-
re debeant, antequam thermis nostris
vantur, iam ostensum est. Nunc vero de mo-
do, quomodo uti debeant, aliquid referendum
est. Antequam autem advenæ vel bibere aquam
vel in ea lavare incipient, uno aut duobus die-
bus post iter confectum requiescere, & humo-
rum commotorum quietem, & virtutis recrea-
tionem expectare, eoq; magis hi qui pedestres
huc reniunt, nec statim post salutatum hospi-
tem balneum ingredi debent, vt multi facere
consueverunt. Sequi autem eos oportet hanc no-
stram instructionem, non dependere ab opinione
vulgi aut hospitum, qui neq; mineræ gnari sunt,
neque quomodo, aut quando, aut qua in quan-
titate bibere aquam, & quomodo lavare pati-
entes debeant, adhibita ratione & respectu aetati-
ris, sexus, temporis, virtutis & morbi, cogniti-
tum habent: alias enim ægri errabunt, nec rectè
valetudini sua consulent. Ac licet illi sese, quod
semper ad has thermas cōmorati sunt iactent,
tamen

tamen hoc, quod ipsi putant, non sequitur. Nos enim ipsorum regula ad omnes morborum differentias & corporum circumstantias, veluti sutoris instrumentum ad omnes calceos accommodari potest. Non ego eos sperno, sed quod ex re & valetudine patientium futurum est, indico, & taxo ipsorum φαινόμενα τούτων γάρ οι πολυπεγμοσύνης. Nec propterea male habebit meos populares hæc correclio, cum tantum illis tribuum, & tantisper eos instruam, quomodo & quando patientibus consilia sua communicare non debeant. Nec hic sunt consilia quorundam medicorum, eorum dico, qui naturam aquarum nostrarum non habent persicetam, audienda, ne agroti male thermis nostris viantur. Nescio enim cuius consilio sit introductum & usurpatum consuetudine, ut eodem die & bibant & lavent, mane quidem bibant, post meridiem verò lavent agroti. Ac licet hanc suam opinionem, ed quod aqua manè assumta evacuetur, tamen in paucissimis hoc contingit, ac ferè in nullo, in plurimis verò, imo in omnibus, aliquid aquæ in habitu corporis remanet, est enim diuretica, & ad venas transit, unde tam parvo tempore evacuari ita non potest, ut corpus ad lavationem eodem die sit idoneum. Præterea contrarijs motibus & revolutionibus natura faugaretur & affligeretur. Quæ enim materia à superficie ad centrum per potum retractæ essent,

essent, eae iterum à centro ad superficiem per lavationem motu planè contrario evocarentur & raperentur. Praterea usitatum est in nostris thermis, ut uno die bibant aquam, altero la-vent. Hæc consuetudo eis tolerabilior priore esset, tamen quia & in illa contraria motus fierent, & natura ab actione sua avocaretur & turbaretur, nec uno die eum ad modum materia lo-tione prepararetur & funderetur, ut potionē altero die educi posset, merito etiam rei cienda est. Absurda plane est consuetudo eorum ho-minum, quæ forsitan non medicorum consilio, sed opinione imperitorum idiotarum esse cœpit, qui etiam dum lavant bibunt, & dum ituri sunt cu-bitum portionem bonam aquæ assument: Hæc consuetudo pessima est, & à nullo in posterum observanda & sequenda. Atque hi sunt modi bi-bendi aquam, non idonei pro agrotanib[us] propter iam relatas causas. Modus autem, quem universi sequi debent, quicq[ue] est desumus ex natura rei, hic est, Ut ægri quinque vel sex, vel septem, vel pluribus vel paucioribus diebus, pro conditione morbi, habitus, temperiei, se-xus, virtutis, &c. continuè bibant, nec post prandium lavent, sed relinquant & aquæ & naturæ & humori suum motum, ita corpus re-ete sine naturæ afflictione & humorum contra-ria agitatione, evacuabitur, & ad lavationem idoneum efficietur. Idem etiam observandum

est, si

est, si sola quis potionē vii velit sine lavationē, ut continuis, non interieclis diebus, hoc fiat. Novi enim quosdam qui suadent, ut uno die bibatur aqua, altero intermittatur illius potio, & sic deinceps progrediendo. Hæc consuetudo etiam non est laudabilis, nisi quis hanc sequi ob virtutis debilitatem aut alicuius symptomatis commotionem, cogatur. Ut autem res rectè intellige queat, proponam quadam præcepta, secundum quæ totum bibendi tempus patientes regere debent. Alia enim sunt bibentium, alia lavantium præcepta. Bibentes igitur observare debent, I. substantiam aquæ seu qualitatem, II. tempus bibendi. III. quantitatem. IIII. modum bibendi. V. Diætam. Quod ad aquæ substantiam attinet omnino curandum est, ne aqua haurietur tepida, id quod plerūq; contingit, si procul à fonte scaturiginis excipiatur, longius enim fluendo mulum amittit virium exhalantibus partibus subtilioribus, & remanentibus crassioribus & adstringentibus. Ideoq; ad ipsam scaturiginem excipienda est aqua, non quidem stanneo aut de plumbo candido confecto vase, sed testaceo vel lapideo, ne aqua plumbi candidi natura inficiatur. Estq; vas diligenter tegendum, ne multum exhalet vaporum, ita enim earum mineralarum vires, quæ aperiunt, penetrant, colliquant, & abstergunt, retinebuntur & permanebunt. Præterea caveatur, ne vel frigida

frigida vel tepidior assumatur, non enim tam validè operari, nec intra venas recipi poterit, sed calida, atque in tanto quidem calore, quantum sensus ferre poterit. Hoc tamen observato, ne calor tantus sit, qui corpus ita calefaciat, ut sudor provocetur, quod plerunq; ijs contingit, qui rariois sunt habitus, calidioris constitutio-
nis, & amplias venas habent. Hi igitur cum consideratione & respectu, præsertim quod aquæ calorem spæctat, bibere debent. I. Quod ad secundum attinet, tempus nimirum, quo bibere debent patientes, sciendum est eos ineptè atq; omnino contrà rationem (vt antè quoque est indicatum) facere, qui post cenam, cum ituri sunt cubitum, bibunt aquam, non solum concoctionem turbantes, sed cerebrum replentes, & crudum chylum ad hepar deducentes, vnde symptomata non levia, præsertim in pituitosis & calidis oriuntur. Malè etiam hi faciunt, qui in prandio assumunt aquam, quemadmodum hi, qui hoc faciunt cum lavant. Optimum autem tempus bibendi est, tempus matutinum, cum absoluta est concoctio & ventriculus est vacuus, nec virtus in alijs digerendis est occupata. Primum autem omium curandum est, vt alvus à crassioribus fecibus, priusquam ager assumat aquam, evacuetur, alias enim materia pituitosa, quæ circa illas colligitur, ad hepar & venas ab aqua raperetur. Laborandum

etiam in hoc præcipue, ut nulla eruditas vel ob
pratum alimentum, vel somnum interceptum,
vel ventriculi debilitatem contracta, in ventri-
culo & intestinis remaneat, nam multis modis
obest hæc potionis. Nullus etiam assit rugitus
aut murmur vèntris, hoc enim indicium est cru-
dae alicuius & pituitosæ materiæ, in eo hærentis.
Hæc igitur ut caueri possint, assumendus est ci-
bus & potus boni succi & facilis digestionis,
nec multis, sicut cœna brevis & lata, ut manè
patiens idoneus sit ad potum, excessus vero
cum cibi tum potius obstat illi, nec patienti est
commodus. 111. Quod ad quantitatem atti-
uet, sciendum est, certum numerum mensuræ
aqua & vrceorum, ad quem quilibet patiens
velut ad amissim potionem suam accommodare
posset, ob morbi, habitus, virtutis, sexus, atra-
tis, temporis, etiam anni differentias, præscribi
non posse. Sunt enim quidam, qui cum ascen-
dendo ad summam mensuram pervenissent, sex
& plures nostrorum cantharorum una vice hau-
serunt, tantamq; aquæ quantitatcm ferre potue-
runt. Fuerunt & quidem alij, qui vix dimidi-
um canthari nostratis assumere potuerunt. Fue-
runt item alij, quibus aqua vel ob siccitatem
& densitatem corporis vel ob copiam viscido-
rum humorum in ventriculo & intestinis con-
tentorum, vel ob virtutis excreticis imbecilli-
tatem, in parva quantitate assumta non excreta
sit,

fit, sed solummodo in magna. Reperti etiam sunt
ulij, quos aqua hæc in minima admodum quan-
titate exhibita evacuavit. Praescribi igitur men-
sura certa & numerus vrceorum ob indicatas
causas non potest. Sed à Medici iudicio, cui via
aquarum, & morbi natura perspecta esse debet,
pendet. Quo in casu moneo extraneos medicos,
ne cuivis sine discrimine & respectu rsum aqua-
rum harum suadeant, ne res postea male cadat,
sicut novi exempla. Sunt enim aquæ nostræ in
actione potentæ & valide, que vt vilitatem
patientibus, si rectè accommodentur, præstare
possunt magnam, ita si male vel in potu vel lo-
tione adhibeantur, obesse possunt valde. Singu-
laris igitur cautio & respectus in hac re haben-
dus est, ne decipiatur, neq; medicus tam con-
fidens esse debet, vt audeat patienti quantita-
rem aquæ assumenda præscribere, si thermarum
harum naturam non habeat cognitam. Ut igi-
tur ad rem redeam, diligenter considerande sunt
vires patientis, habitus, constitutio seu tempe-
ries vel totius corporis vel viscerum quotun-
dam, morbus, sexus, atas. atq; secundum harum
circumstantiarum considerationem & respe-
ctum, vel maiorem vel minorem quantitatem,
vel hunc vel illum ordinem & modum aquæ af-
sumenda præscribere debemus. Quemadmodum
igitur quantitas discreta non quidem univer-
sis, sed tantum particularis, vt ostensum est,

F 2

constitui

constitui certa potest, ita quantitas continua
 certo dierum spacio, quam diu aqua sit bibenda,
 definiri nequit. Sunt enim quidam morbi, qui
 potionē longiore opus habent, sunt etiam cor-
 porā, quae morā tantam ferre possunt. Sunt &
 alij morbi, qui paucis diebus potionē absolve-
 re, sunt etiam alia corpora, quae eam diu ferre
 non possunt. Ut igitur neque in hoc error com-
 mitti queat, diligenter circumstantiae perpen-
 denda sunt, & secundum has tempus continu-
 um definiendum. Ac licet tertum numerum &
 quantitatē aquae assumendā præscribere sit
 difficile & periculosum, tamen quodammodo
 medium, qui nec propter excessum oblit virtutis,
 nec propter defectum nullas moliatur evacua-
 tiones, proponere, non inutile omnino aut ab-
 surdum fuerit. Primo autem die assumet ager
 tres vrceos, quorum quilibet quartæ partis can-
 thari nostri consueti capax sit; secundo quinq;
 terio septem; quarto novem. ita enim natura
 se accommodabit ad aquæ operationem, per len-
 tum potionum augmentum hoc modo assueta.
 Quod si primo die parum aut nihil secernatur,
 non est metuendum, recipitur enim intra venas
 & sequenti die maiori in quantitate secedit. In
 novem autem vrcis subsistat ager, & post sen-
 sim retrocedat & regrediatur, & semper duos
 vrcos in sequentibus diebus remittat, ita ut
 quinta die septem vrcos bibat, sexta quinq;
 septima

Septima tres, ita redibit numerus ille primus,
 qui in principio erat assumptus, & sic ager po-
 zionem poterit absolvere septem diebus. quod
 tempus etiam medium est, quod nec ~~tempus~~
 nec ~~tempus~~ ^{tempus} habet, et si sciā illud in pluribus
 pro morbi, virium &c. ratione, nunc produci
 nunc verò præcidi. Hic igitur est noster mo-
 dus, quantitatē tam discretam quam continu-
 am respiciens, quem iudico esse bonum. Quod si
 quis hunc sequatur, & vel exiguae evacuationes,
 vel copiosas nimis experiatur, non is me
 reprehendere poterit, quod ad superius indica-
 tam commonefactionem & instructionem non
 resperxerit, ubi circumstantiarum consideratio-
 nem, quam medicus præscribere debet, inculca-
 vimus. Spectanda enim est cum alijs hic etas &
 corporis siccitas, nam in etate senili sexus ple-
 runq; muliebris non facile secernitur ob virtutis
 expulsiveis imbecillitatem, quemadmodum vidi
 quadam exempla. Praterea in habitu sicco &
 ventre sicco etiam facile retinetur aqua ob supra
 commemoratam causam. Contingit autem sa-
 pè, ut cum plures fiant evacuationes per urinam,
 alvi deiectiones sint pauciores, secundum
 Hippocratem. Quibus noctu urina multa est,
 exigua deiectionem significat. Sed tamen hoc
 notandum est, ut cum excretiones per secessum
 copiosiores esse velimus, salis aliquid aqua asper-
 gamus, per ventrem enim potius sal quam per

prinam descendit. Si autem aquam copiosiorem
ad renes deducere cupiamus, dulce aliquid, ve
luleb, vel mel rosatum admisceamus. Sed hic
in mentem mihi venit, haud recte fieri, cum in
calculosis prinæ promovendæ cansa, in primis
statim diebus dulce aliquid aspergitur. Sæpissime
enim accidit, ut calculus magis commoveatur
& augeatur, deductâ materia pituitosa, quæ in
ventre & intestinis erat, ad renes. Sed in princi-
pio cum aqua assumitur, ad ventrem & seces-
sum ea dirigi debet, ut materia illa e vacuata,
postea sine nocturno renes etiam curari possint.
Sæpè etiam patientes quidam de inflatione ven-
tris, quam hæc aqua commovet, conqueruntur,
sed hæc naturæ aquæ, cum secundum excessum
calida & sicca sit, non est tribuenda, sed potius
frigiditati stomachi, seu si ille non sit frigidus,
humoribus frigidis & pituitosis, qui in illo con-
tinentur, vel etiam retentioni aquæ, inflat enim
quasi, cum primo die retinetur. Obijcere autem
nobis hic aliquis posset, lapidem calcarium etiam
in corpore nostro, quemadmodum in canalibus
hoc fieri videmus, accrescere posse: Cui respon-
deo, ad calcarij lapidis generationem tria hæc
necessaria concurrere, Primo, copiam aquæ, ni-
si enim aqua in magna quantitate non alterata
perfluat meatum aliquem, lapidem hunc genera-
re non potest: nam ut saltem vel quantitate se-
minis papaveris minima portio formari queat,

opim.

opus est multa aqua. Sed intra corpus huma-
num non tanta quantitas, quo lapidem generare
posset, assumitur, ergo etiam formari non potest.
I. calorem ferventem: nisi enim calor assit fer-
ventissimus, non potest illa cementos a materia
& rubrica in lapidem cogi, sed eo tempore quo
bibitur aqua, calor ille ferventissimus dissipatus
est, & calor corporis nostri etiam non est fervi-
dus, sed mitis & temperatus. Quapropter lapis
ille generari non potest. II. necessarium etiam
hoc est ad lapidis generationem, ut nulla facta
sit alteratio & secretio partium materia illius,
qua in lapidem verti debebat, antequam in potu
assumatur, sed necesse sit ut per totam substan-
tiam diffusa sit, quam diffusionem calor & fer-
vor retinet. Sed facta est alteratio & separatio
partium per refrigerationem magnam, antequam
aqua idonea ad potum fieret. Quapropter nullus
si aqua bibatur lapis in corpore nostro generari
potest. Quod si contingat, ut primo die aqua
vomitu regeneratur, diligenter a medico gerpen-
dendum est, vtrum vomitus imbecillitatis ven-
triculi ratione, an vero pituitosorum aliorumque
humorum frigidorum in ventriculo harentium
copia fiat. Quod si is ratione imbecillitatis ven-
triculi contingat, curandum est, ut prasidijs
idoneis adhibitis ventriculus roboretur, &
aqua retineatur. quod si hoc praestari non queat,
intermittendus omnino est potus, si sequentibus

diebus 2. 3. 4. vomitus recurrat. Si vero vomitus fiat prima die ratione copiosorum humorum signum est bonum, nam humores evanescunt multi. Quod si secunda aut tertia die ita recurrat, diversione facta per enema aut alio praesidio huic malo succurrendum. Omnino autem curandum est, ne ventriculus frequenti vomitu debilitetur. Si vero accidat, quod frequenter fit, ut aqua retineatur primo die, non est metuendum, nam in cavitates viscerum & venarum recipitur, & impressionem ibi facit, si vero & altero & tertio retineatur periculum est. Quapropter considerandum est, ubinam aqua, an in ventriculo & intestinis, an vero in habitu venarum retineatur. Quod si in ventriculo & primis venis consistat, clyster ex eadem aqua cum biera simplici injiciendus est. Si vero in habitu venarum, pillula aleophangina aut masticina ante canam exhibenda sunt, ut aqua evanescere possit, eoque tempore quo operatur medicamentum, aqua potio intermitenda est. Sunt etiam alia symptomata, quae aqua potionis superveniunt. Sed cum & rarius evenire soleant, eorumdemque curatio (cum circumstantiae & morbi & agrotantis corporis varient) non sit cuiusvis sed periti medici, ne idiotis nostra instructio errorum pariat, ideo & mentionem illorum & curationem intermisimus. Nunc vero ad quartum caput, de modo bibendi propositum accedamus.

damus. Ut autem indicatum est, ager manè evacuata alvo, in suo conclavi obambulet, ut calor nativus moveatur, ut aqua attrahiri possit, sed non ita, ut corpus incalefcet, ut ad sudandum prouum sit: si etiam conclave non admodum calidum, nec hoc idem contingat, postea assumat aquæ quantitatem secundum respectum circumstantiarum morbi, virium, temperiei, atatis, sexus, &c. constitutam, ita tamen ut vices partiatur, nec iniurget ut ventriculus distendatur, sed haustus distinguat, & inter istos semper mediocris obambulatio intercedat, ut & aqua descendat, & moto calore, aqua melius operari queat. Sat autem erit si potionem absolvat una hora, vel una dimidia, vel etiam dimidia hora, si parva aquæ quantitas assumenda fuerit. Post, potionē peracta, semper mediocriter obambulet, donec hora prandij veniat. quæ definitur mutatione coloria vrine, nam cum iam incipiat vrina pallidior fieri, cum autem, ut fit redderetur alba, iam tempus prandij aderit. Cavendum autem omnino, ne aqua vel nimis tepida vel frigida assumatur, nam præter hoc quod cum nausea assumeretur, etiam operosa & efficax esse non posset, cum quia frigidior iam facta esset, tum etiam quod vires aliquas iam amississet. In tanto igitur calore bibenda est, quanto sensus ferre possit. Quod ad quintum caput de dieta propositum attinet, et si in precedente ca-

pitie aliquid sit commemoratum, tamen hic spe-
cialiter quoq; aliquid subiungam. Cibus sit hu-
midus & facilis digestio, cerevisia diuretica,
non fumosa, non siccans. Vinum non forte nec
vehementer calidum, sed mediocre. Fugient
omniq; ea, quæ viscosos & crudos humores ge-
nerant, abstineant à fructibus crudis, à cerasis,
dulcibus, diu enim in ventriculo morantur &
obstructiones faciunt, à prunis & pomis cru-
dis abstineant, item à caseis Boemiciis putrefac-
tis, & ab omnibus ferè caseis. impedimento
enim sunt aquæ, & interdum astus, interdum
flatus, interdum etiam obstrunctiones excitant &
faciunt. Abstineant etiam ab ijs piscibus, qui in
stagnis & paludibus degunt & capiuntur, &
cancris, eligentq; potius pisces qui in saxatilibus
aquis degunt, sed non cum lardo præparent, sed
vel cum aromatibus, vel aceto & buriro, seu
oleo. abstineant à placantis, à frixis, à fumo
induratis carnibus. Cerevisia ea, quæ superiori
indicatis conditionibus contraria est, fugienda
est. Idem iudicium de vino faciendum, sed ita
hodierno die vinum corrumpitur, vi triplo ma-
gis bi qui corrumpunt puniendi essent, quam
alij qui rem aliquam aliam, quæ intra corpus
non assumitur, depravant: bi enim rei illi solum
nocent, illi verò non solum vino, sed sanitati
quoq; obsunt. Vinum Rhenanum igitur vel Ne-
clarinum, si modò non corrumpatur, quemad-
modum

modum cerevisia Schlacca verdiana, vel etiam nostra, si recte præparetur, in hoc casu non erit incommoda. Hoc tamen notandum est, ut hi qui calidioris naturæ sunt, quibus etiam spiritus & vapores ex sanguine in caput facile efferuntur, non bibant frequenter vinum, præseruum cum lavant, sed potius contenti sunt cerevisia, nisi ventriculi & virium debilitatis causa interdum vini aliquid bibere vellint. Etiam, qui vino assueti sunt, non transeant facile ad cerevisia potionem ob humorum commotionem, alteratio enim subita fieri posset. A somno abstinere patiens debet eo tempore quo bibit, ne caput ralleatur & rheumata concitentur. Motus mediocris, nec talis, qui sudorem, ut antè relatum est, proritet. Ira, tristitia, mœror, & similia alia nœbœ, ritanda sunt. concitant enim & revellunt humores, non legitimos, & siccant præterea, & virtutem debilitant, quæ res perniciöfissima est in huius aquæ r̄su. Atque tantum de potionē.

Quod ad lavationem attinet, sciendum est contra naturæ ordinem eos facere, qui nullum tempus ad lavandum consuetum observant, nec si larent considerationem habent horarum, quot lavare eos observatis circumstantijs conveniat. Ita multi reperiuntur, qui statim post prandium balneum ingrediuntur, multi etiam benè poti. & cibo repleti hoc faciunt, non pauci post cœ-

nam etiam lavant. Atq; hic recordor cuiusdam
 medici, qui in regimine illo, quod ysuro aqua
 nostris cuidam nobili præscriperat, suadebat vt
 patiens ille suus post cœnam balneum ingredie-
 tur, sed naturam aquarum ille medicus fortasse
 non intellexerat, tanum abest, vt nemo bal-
 neo dulcis aqua eo tempore vtatur. Sunt etiam
 alij, qui cum sint natura imbecillioris, ad mul-
 tas horas balnei tempus magno cum detrimen-
 to virtutis producunt, alij quoq; qui pauciores
 horas, quam quod morbo conveniat, lavationi
 tribuunt, Multi, qui antè non purgato corpore
 & humoribus præparatis, lavationem subeunt
 magno cum periculo. Hi errores sunt magni, &
 partim ab ipsis patientibus, partim ab hospiti-
 bus ipsis, qui neque naturam morbi, nec circum-
 stantias illas, quæ sapè & necessario referun-
 tur, nec quomodo & quanto tempore lavan-
 dum sit intelligunt, proficiscuntur. Hortor au-
 tem patientes, vt hac in re cauti (oportet enim
 me verum fateri) sint, ne indoctis obtemperent,
 sed medicorum consilia expetant. Ut autem nec
 in hac parte agris instruclio nostra desit, Primo
 indicandum est, quodnam tempus sit ad lavan-
 dum conveniens; I. Quid illos facere oporteat
 antequam balneum ingrediantur. II. Quo-
 modo lavandum. III. Quanto tempore la-
 vandum. V. Quid egressis iam facere post bal-
 neum conveniat. VI. Qua diæta vtendum.

Quod

Quod ad primum attinet, tempus optimum est matutinum, quod post ortum Solis contingit, eo enim tempore ventriculus est vacuus, & virtus & calor noster alijs inserviendis & digerendis non est occupatus, est etiam illud tempus temperatum, nec caloris abundantiam remedianum habet, unde lavantes molestiam percipere non possunt. Est etiam bonum tempus vespertinum, quod est ante cœnam, praesertim si prandium quodammodo digestum idq; breve fuerit, nam virtus, praesertim debiliorum, prandio refecta, melius impressionem aquæ tolerare poterit. Tempus autem illud secundum horologium loci visitatum est hora tertia, ea enim conveniens est, si praesertim æger hora decima transiit fuerit. I I. Aegri manè surgere debent, & venirem evacuare, postea mediocriter obambulare, ut calor movere incipiat. Necessarius autem omnino est respectus ventriculi, ne is cruditatem aliquam aut flatus, aut alias materias foreat, ne aut dolores cholici, aut distensiones & inflationes, ut sèpè accidit, commoveantur. Quod si hepār fuerit calidum, ventriculus verò, cuius respectu etiam lavatio instituta est, fuerit frigidus, hepār cerato rosaceo aut mirtillo aut santalino, &c. muniendum erit, ne in balneo incalefaciat; idem faciendum si renes ita affecti fuerint. Caput etiam optimè tegatur, ne à vaporibus aquæ lœdatur externis, ita continge;

tinget ut sudare possit, quod est bonum. postea
 ad solium seu balneum accedat. Curandum etiam
 ne locus, ubi patientes loturi sunt, sit fumosus,
 nec in illo aer conclusus, sed purus, qui alterari
 queat. Sequitur nunc caput tertium de modo
 lavandi. Observatis praecedentibus preceptis
 aeger se sensim demittat in balneum, immersis
 primo pedibus, mox cruribus, hinc ventre, &
 tandem totó corpore, ita calor noster istam mu-
 tationem melius feret, nec horror excitabitur.
 Aqua non sit rebementer calida; sed temperata,
 si prasertim quis natura calidioris, aut corporis
 aliquanto macri & extenuati lavare debet.
 Cum descendit aeger in lavacrum aquam movere
 non debet, is enim motus ad horroris concitan-
 di causam etiam facit. Quieta igitur esse debet,
 & quietus ager ipse in eo morari, ne ex aqua
 commotione fumi excitentur, qui caput replete
 possint. Habent autem quidam in more, ut in-
 terdum vel totum corpus, vel partem illius im-
 mergant: hoc etsi rationes suas habeat, tamen
 cautio adhiberi debet, ne cum vni parti prosi-
 mus, alteri noceamus. Ut autem certam regu-
 lam patientes habeant, videndum est, an eva-
 cuationis causa, an vero roborationis gratia la-
 vacro vii velimus. Qui evacuationis causa la-
 vare volunt, totum corpus immergere debent,
 ut ex omni parte humor digeratur & eva-
 cuetur, si enim unam partem solum corporis, ex-
 ampli

empli causa, pedem patiens immitteret, altra-
beret magis à corporis partibus superioribus
materiam, atq; ita non probè evacuaret humo-
rem in parte hærentem affluente nouo. Si igitur
corpus totum affectum fuerit, vt sit illud vel
paralyticum, vel arithriticum, vel scabiosum,
vel aliquem alium morbum in membris exterio-
ribus patiatur, vt sit tumidum, cachecticum,
aut alias humidum, rectè totum corpus immer-
getur. Si verò una pars vel viscus interius male
habuerit, præparato & evacuato prius toto
corpo, eam partem solum aquæ immersere
debet. Ubi roborare partem aliquam solum vo-
lumus, totum corpus in solum demittere non de-
bemus, sed eam partem tantum, quam robora-
re volumus. Quod ad quartum attinet, de quan-
titate temporis, quam diu lavandum sit, scien-
dum est, duplex esse tempus lavationis, univer-
sale & particolare. Universale totum illud spa-
cium lavandi, secundum dierum numerum de-
scriptum continet. Particulare vices & moras
lavationis definitam certas horis. Quemadmo-
dum autem supra, cum quantitatibus potionum
mentionem faceremus, nulla certa quantitas &
numerus mensurarum propter circumstantia-
rum differentiam prescribi poterat, ita in lava-
tione propter eandem causam certum & defini-
tuin dierum & moras & horarum in balneo spa-
cium dari haud potest. Consuetum tamen, &
quod

quod medium teneat, referam. Universale tempus quatuordecim aut quindecim dierum esse potest, nam in hoc spacio æger aliquid efficere poterit, præsertim cum aqua nostra sit calida & magnas faciat impressiones, alias enim si aqua frigida & imbecillis esset, hoc tempus producendum esset. Bis autem, ut antè est ostensum, lavare patiens potest, sed non eodem horarum numero. Ante prandium enim mane vel duas vel tres horas, post prandium ante cœnam vesperi vel unam cum dimidio, vel duas etiam ferre potest, habito tamen semper circumstantiarum respectu. Quemadmodum autem in potione secundum numerum mensurarum & vrcorum ascensum, & rursus descensum est: ita æger primis sex diebus numerum horarum augere, & in summo numero per duos, tres aut quatuor etiam dies insistere, & postea rursus horarum numerum diminuere debet semper descendendo, quemadmodum ante semper ascendendo. Ut si, exempli causa, prima die manè per unam horam lavaret, & vesperi tres quadrantes horæ, altero die augebit numerum, & sic tertio, quarto, quinto & sexto die semper paulò plus morabitur in balneo, donec perveniat ad tres horas, quæ incident in diem sextam. In his tribus insistat usq; ad nonum aut decimum diem, & semper paucioribus horis post prandium in balneo moretur, quam factum sit manè. Post decima

aut

aut undecima die descendat semper diminuendo
horarum numerum usq; ad unam horam, quae
incident in decimam quartam aut decimam quintam diem. Hac est quantitas dierum & hora-
rum lavationis, non quidem secundum omnes
circumstantias morbi, habitus, constitutionis,
sexus. etatis, &c. descripta, sed solummodo
generaliter, medio quodam modo indicata,
quam peculiarem quilibet ager a medico ha-
rum thermarum perito petere poterit. Nunc
ad V. Cum ager e balneo egreditur, corpus
benè vestibus munire debet, ne ab occurrente
aere offendatur; hypocastum calefactum esse
debet, si aer exterior asperior aliquanto fuerit.
Caput etiam detergere & corpus ut vapores e
corpo exhalare possint. post in lectum se recipere,
& sudare, quod raro, ob resiccationem
quam hæc aqua corpori affert, debet. Sudorem
si venerit surgens abstergere, & benè induus
obambulare, post assumere prandium. post
prandium nullo modo dormire debet. VI. Quod
ad dietam attinet, ea talis esse debet, qualis est
prescripta in potionē, nisi quod in lavatione ali-
quanto ad frigiditatem declinare debet. Lavatio
enim plus calefacit & resiccat quam potio. Atq;
hoc etiā observandum est, ut in lavatione prandium
brevius sit; cena aliquanto largior, quemadmo-
dum in potionē prandium largius, cena brevi-
or; ut aqua manè bibi, post prandium autem

G

patiens

pallens lavare possit. Abstineantur usiū alia assint
 quae concedant) à lavatione febricitantes, mar-
 core corrupti & extenuati, phtisici, heclici
 omnes qui sunt calidioris & siccioris corporis,
 qui etiam cum tali morbo conflictantur. Cave-
 ant hi, qui iam sunt in paroxysmo cholica passio-
 nis, aut qui sunt in paroxysmo calculi, ne balne-
 um intreant. Augentur enim dolores ob motum
 humorem pituitosum qui in ventre est. Purgata
 igitur optimè sint corpora cum lavatione vni ve-
 lint, alias, præsertim in crassis & obesis, gra-
 viSSima symptomata excitantur ob fusum colli-
 quatumq; humorem. Quod si contingat, ut pa-
 tuens, præsertim manè, lavationem tolerare non
 possit, assumat iusculum de carne vituli aut gal-
 line, & sapius repeatat (si spacium prescriptum
 mora ferre non poterit) lavationes, ut quod vna
 vice compleri non poterat, pluribus recompen-
 setur. Omnino autem attendat, ne in balneo aut
 dormiat, aut edat, aut bibat, quod Icire agrum
 alias oporterer. Quod si sitis & ardor corporis
 obviatur, abstineat à balneo per dies aliquot,
 & diæta vtatur humectante & refrigerante,
 bibat manè syrups refrigerantes, ut de Endivia
 & cichorea, atque hepar cum decoctis endivia &
 cichorea foveat, vel bibat aquam acidula no-
 stræ, cui saccharum rosaceum, aut rob de ribes,
 inspersum sit. Post eyacuationem commodans
 adhibeat. Si verò virium imbecillitas metuenda
 sit, in

25

fit, in promptu patientes habeat morsellulos vel rotulas ex speciebus diarrhodonis Abbat. aut de tribus sandalis confectas, ut illis & ante balneum & post balneum uti possit. Si alvi suppressio assit, clystere ex eadem aqua, aut alijs rebus communibus preparato subveniendum. Si capitio dolor, si cum Saccharo rosato aut violato aut diaconite curetur. Sunt & alia symptomata, qua patienti occurtere possunt, sed quia horum cura ad medicum spectat, ideo consulto ea praeterivimus. Hoc tamen quasi appendice monitos agros volumus, ut omnem repletionem tam cibi quam potus, etiam usum Venereum, ut eo tempore minime convenientem & commodum, vivent. Ita recte thermis nostris videntur.

CAP. VI.

DE EO QVID FACE- RE PATIENTES POST vsum thermarum oporteat, cum aut adhuc in thermis sunt, vel iam discedunt.

OMNINO male faciunt huius agri, qui postquam thermarum usum ad finem deduxerunt, commessationibus & crapula plus quam bœotiae indulgent, cum non intelligent, quod cum vires ob thermarum impressiones aliquanto sint fessa & debiles factæ, nec non bimores